

Lindås kommune
Kvernhusmyrene 20
5914 ISDALSTØ

Dato: 31.01.2017
Vår ref.: 2017/72-2
Saksbehandlar: monsera
Dykkar ref.:

Att. John Bauge

Oversending av kostnadsoverslag for arkeologisk registrering - industrivatnforsyning til Mongstad - Lindås kommune

Viser til e-post datert 02.01.2017 angående oppfylling av undersøkingsplikta etter § 9 i kulturminnelova i samband med industrivatnforsyning til Mongstad i Lindås kommune, vår oversending av kostnadsoverslag for arkeologisk registrering datert 25.06.2013 og 20.01.2015, samt tidlegare korrespondanse i saka.

Vedlagt er kostnadsoverslag med satsar for 2017. Registreringa vil verte utført ved prøvestikking med spade og maskinell flateavdekking. Prøvestikka er om lag 40 x 40 cm store og vert lagt igjen når arbeidet er utført. Ved maskinell flateavdekking fjernar gravemaskin matjordlaget i søkesjakter på om lag 2-3 m breidde. Lengda og djupne vil variere etter undergrunnstilhøve, mikrotopografi og praktiske høve. All jordmasse vil bli ført tilbake.

Arbeidsomfanget er rekna til 24 arbeidsveker i felt, samt førarbeid, etterarbeid og skiving av rapport. Kostnadsramma for den arkeologiske registreringa er sett til 955 074,- (sjå vedlegg). Då kommunen ønskjer sjølv å stille med gravemaskin med gravemaskinfører er kostnader til gravemaskin ikkje inkludert i kostnadsoverslaget. Vi gjer merksam på at tiltakshavar berre vert fakturert for medgått tid.

Vi minner om at tiltakshavar er økonomisk ansvarleg for eventuelle følgjeskader som følgje av våre undersøkingar. Dette gjeld til dømes øydelagde gjerde og dreneringsgrøfter, trong for såing samt tap av avling. Hordaland fylkeskommune vil varsle grunneigarane i forkant av undersøkinga. I varselet ber vi grunneigar ta kontakt med dykk når det gjeld eventuelle følgjeskader etter den arkeologiske undersøkinga.

For å starte opp feltarbeidet er det naudsynt med skriftleg godkjenning av vedlagde kostnadsoverslag, samt informasjon om fakturaadresse, ressursnummer, organisasjonsnummer og signatur til den som er ansvarleg betalar. Når kostnadsoverslaget er godkjend vil vi ta kontakt for å få arbeidet utført så raskt som mogeleg.

Vi gjer òg merksam på at Bergens Sjøfartsmuseum har varsla marinarkeologisk registrering i det aktuelle området. Vi ber Lindås kommune ta direkte kontakt med Bergens Sjøfartsmuseum vedrørande gjennomføring av marinarkeologisk registrering.

Dersom ein har spørsmål, er ein velkommen til å ta kontakt med Hordaland fylkeskommune, Fylkeskonservatoren v/Monika Serafinska, 55 23 91 80, Monika.Serafinska@hfk.no.

David J. Aasen Sandved
kst. fylkeskonservator

Monika Cecylia Serafinska
spesialrådgjevar

Brevet er godkjent elektronisk og har derfor inga underskrift.

Vedlegg:

1. Kostnadsoverslag for arkeologisk registrering - industrivatnforsyning til Mongstad - Lindås kommune